




847

Bosnia and Herzegovina
Federation of Bosnia and Herzegovina
CANTON SARAJEVO
Cantonal Administration for Inspection Issues



Broj: 14-02-04-01318/26
Datum: 04. 03. 2026. godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
ul. Reisa Dž. Čauševića br. 1
71000 Sarajevo
N/r Elvedin Okerić, predsjedavajući

PREDMET: Odgovor na zastupničku inicijativu, dostavlja se;
VEZA: Vaš akt, broj: 01-04-58637-73/25 od 16.02.2026. godine

Poštovani,

U skladu sa Vašim aktom, broj i datum veze, kojim ste nam dostavili zastupničku inicijativu zastupnice Sebiye Izetbegović koju je uputila u okviru 28. radne sjednice Skupštine Kantona Sarajevo, a koja glasi:

" Na osnovu člana 213. Poslovnika Skupštine Kantona Sarajevo, upućujem inicijativu nadležnim institucijama, imajući u vidu aktuelno stanje javnih finansija Kantona Sarajevo, rast budžetskih izdvajanja i zaduženja, kao i potrebu potpune transparentnosti u trošenju javnih sredstava. Cijeneći značaj međunarodnih sajmova za promociju privrede, ali i činjenicu da se u javnom prostoru sve češće pojavljuju medijski navodi, različite prepiske i indicije koje dovode u vezu određene aktivnosti sa EXPO Dubai 2020, smatram da je od posebnog javnog interesa izvršiti potpunu reviziju i transparentno prezentiranje svih podataka vezanih za finansiranje i učešće Kantona Sarajevo na ovom događaju.

Tražim da se Skupštini Kantona Sarajevo dostavi:

1. Precizan pravni osnov (zakoni, podzakonski akti, odluke Vlade, zaključci i drugi relevantni dokumenti) na osnovu kojih je Kanton Sarajevo finansirao ili sufinansirao učešće na EXPO Dubai 2020.
2. Kopije svih ugovora zaključenih u vezi sa organizacijom, prezentacijom, zakupom prostora, promotivnim aktivnostima, logističkim aranžmanima i drugim obavezama vezanim za učešće na EXPO Dubai 2020.
3. Detaljan finansijski pregled svih troškova, uključujući: troškove službenih putovanja, troškove smještaja i dnevnica, troškove reprezentacije, troškove zakupa i promocije, eventualne troškove posredničkih ili konsultantskih usluga.

4. Spisak svih članova delegacija koje su prisustvovala EXPO Dubai 2020 o trošku Kantona Sarajevo, uključujući: ime i prezime, funkciju, instituciju iz koje dolaze, period boravka, trošak po osobi.
5. Informaciju na osnovu kojih kriterija je određen sastav delegacije, te ko je donio konačnu odluku o izboru članova delegacije.
6. Tačan i dokumentovan pregled investicija, poslovnih sporazuma, memoranduma ili konkretnih ekonomskih koristi koje je Kanton Sarajevo ostvario kao rezultat učešća na EXPO Dubai 2020.
7. Spisak svih privrednih subjekata, javnih preduzeća, ustanova i drugih kantonalnih institucija koje su učestvovala na sajmu, uz navođenje njihovih načina finansiranja učešća",

obavještavamo Vas da Kantonalna uprava za inspekcijske poslove Kantona Sarajevo nema stvarnu nadležnost za postupanje u konkretnoj stvari na tražene okolnosti.

Inicijativa se odnosi na pitanja finansiranja i učešća na međunarodnom sajmu EXPO Dubai 2020, dostavu ugovorne dokumentacije, analizu budžetske potrošnje, kriterije izbora delegacija, kao i ocjenu ekonomskih efekata navedenog učešća, što predstavlja oblasti iz nadležnosti budžetskog, finansijskog, parlamentarnog i revizorskog nadzora.

S poštovanjem,

Dostavljeno:

1. Naslovu
2. Premijer Vlade Kantona Sarajevo
3. Sekretar Skupštine Kantona Sarajevo
4. Sekretar Vlade Kantona Sarajevo
5. a/a

